



Hubentud definitivamente tabata protagonista di Carnaval 43



Ya caba por tende entre otro lidernan di grupo hubenil ta mencioná varios idea y tema pa

usa pa grupo den parada. No tin duda cu e potencial ta grandi y cu si tin e perfecto liderazgo,

nos muchanan lo yega leu lanta un biaha mas nos Carnaval y poné riba e pedestal cu e merecé.

Carnaval 1997 mientras cu hende grandi tabata den conferencia di prensa, reunion, disputa y otro discusionnan cu tabata deteriorá lentamente nos fiesta nacional, muchanan tabata trahando duro pa participá todo por todo den nos Carnaval pa demostrá nan positivismo y gana pa hiba nos cultura y tradicion di mas grandi dilanti. Un bon ehempel di esaki tabata e promé parada di blaas di San Nicolas, cual berdad a wordo organizá dor di mayornan, pero tras peticion di e muchanan y nan increíble energia y amor pa nos Carnaval.

En total tabatin cinco parada

di mucha, dos eleccion di Prins y Pancho y un gran cantidad di eleccion y fiestanan di Reina cu a surpasá tur locual cu adultonan por a haci despues di tanto discusion y diferencia.

Nos grandinan por ta trankil cu e tradicion y cultura di nos Carnaval lo no bai perdí, nos hubentud ta bon consciente di su importancia y ta mas cu claro cu nan sa con pa organizá eventonan estupendo y ora nan kier comportá di manera excepcional.

Tin rumornan ta corriendo rond cu próximo año lo tin un grupo di hobennan lo organizá Aruba su promé parada hubenil.

